

**სახელმწიფო შესყიდვების შესახებ ხელშეკრულების პროექტი
(ხელშეკრულების პირობები დაზუსტდება გამარჯვებულთან)**

ქ. თბილისი

----- 2021 წელი

ერთის მხრივ, სსიპ საქართველოს კინემატოგრაფიის ეროვნული ცენტრი (შემდგომში- შემსყიდველი, წარმოდგენილი მისი დირექტორის ----- სახით და მეორეს მხრივ ----- (შემდგომში- მიმწოდებელი), წარმოდგენილი მისი დირექტორის ----- სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველ ორგანიზაციასა და ტენდერში გამარჯვებულ პრეტენდენტს შორის, საქართველოს კანონმდებლობის საფუძველზე, დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს მომსახურების შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“-ხელშეკრულების მე-2. მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – SPA ----- ელექტრონული ტენდერი სატენდერო ტექნიკური დავალება, რომელიც წარმოადგენს წინამდებარე ხელშეკრულებას განუყოფელ ნაწილის.

2. ხელშეკრულების საგანი

- 2.1. წინამდებარე ხელშეკრულებით „მიმწოდებელი“ ვალდებულია, „შემსყიდველის“ მიერ მიწოდებული მაკეტიტ დაბეჭდოს ხუთასი ცალი ბროშურა (კატალოგი) სახელწოდებით „ქართული ფილმები 2020“ (CPV79810000) და ათასი ცალი, ორმხრივი ტიტულიანი ბრძანების ბლანკი (შემდგომ-მომსახურება), წინამდებარე ხელშეკრულებით და ტექნიკური დავალებით - დანართი 1, რომელიც წარმოადგენს ხელშეკრულების განუყოფელ ნაწილს, გათვალისწინებული პირობების შესაბამისად, ელექტრონული ტენდერი საშუალებით.
- 2.2. ხელშეკრულებით გათვალისწინებული მომსახურების ხარისხობრივი პარამეტრები მოცემულია დანართი 1-ში.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს - ----- (-----) ლარს საქართველოს კანონმდებლობით დადგენილი გადასახადებით.
- 3.2. მომსახურების ხარჯთაღრიცხვა განსაზღვრულია ფასების ცხრილში (დანართი 2), რომელიც დაერთვება ხელშეკრულებას, როგორც მისი განუყოფელი ნაწილი.
- 3.3. ხელშეკრულების საერთო ღირებულებაში შედის ბროშურების და ბლანკების მიწოდების ღირებულებაც, მიწოდება მოხდება შემდეგ მისამართზე: ქ. თბილისი, სანაპიროს ქ. #4, მე-4 სართული.

4. ხელშეკრულების მოქმედების ვადა

4.1. მიმწოდებელმა 2.1. პუნქტით გათვალისწინებული „მომსახურება“ უნდა წარუდგინოს „შემსყიდველს“ ეტაპობრივად: ბროშურების მიწოდება მოხდება ხელშეკრულებაზე ხელმოწერიდან 10 კალენდარული დღის ვადაში, ხოლო ბლანკების მიწოდება მოხდება ხელშეკრულებაზე ხელმოწერიდან 5 კალენდარული დღის ვადაში.

4.2. წინამდებარე ხელშეკრულება ძალაშია ხელმოწერის დღიდან და მოქმედებს 2021 წლის -----
-----.

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მიღება-ჩაბარების აქტის გაფორმებისა და შემსყიდველისათვის მიმწოდებლის მიერ წარმოდგენილი კანონით განსაზღვრული საგადასახადო დოკუმენტაციის გადაცემის შემდეგ.

6. ანგარიშსწორება

6.1. გაწეული მომსახურების ღირებულების ანაზღაურება მოხდება ლარებში, უნაღდო ანგარიშსწორებით.

6.2. ანგარიშსწორება განხორციელდება მომსახურების გაწევის შემდგომ, მიღება-ჩაბარების აქტის გაფორმებისა და შემსყიდველისათვის მიმწოდებლის მიერ წარმოდგენილი კანონით განსაზღვრული საგადასახადო დოკუმენტაციის წარმოდგენიდან - 10 (ათი) კალენდარული დღის განმავლობაში.

6.3. ანგარიშსწორება განხორციელდება მიმწოდებლის წინამდებარე ხელშეკრულებაში მითითებულ საბანკო ანგარიშზე.

7. მხარეთა უფლება-მოვალეობანი

7.1. „მიმწოდებელი“ ვალდებულია დაბეჭდოს მაღალი ხარისხის ბროშურები (კატალოგები) და ბლანკები, იმ შემთხვევაში, თუ აღმოჩნდება რომ „მიმწოდებლის“ მიერ არ არის სრულყოფილად შესრულებული „მომსახურება“, „მიმწოდებელი“ ვალდებულია აღმოჩენილი ხარვეზი აღმოფხვრას საკუთარი ხარჯებით;

7.2. „შემსყიდველი“ ვალდებულია ხელშეკრულებით გათვალისწინებული ვადის დადგომისთანავე შეაფასოს გაწეული „მომსახურება“ და წერილობით შეატყობინოს სამი დღის ვადაში „მიმწოდებელს“ მომსახურების მოწონების ან/და მისი დაწუნების ან მასში შესწორებათა შეტანის აუცილებლობის შესახებ.

7.3. თუ „მიმწოდებელს“ სამი დღის ვადაში არ გაეგზავნა წერილობითი შეტყობინება, „შესრულებული“ „მომსახურება“ „შემსყიდველის“ მიერ მოწონებულად ითვლება.

7.4. იმ შემთხვევაში თუ მიმწოდებლის მიერ შესრულებული მომსახურება, არ შეესაბამება ხელშეკრულების დანართ 1-ში და ტექნიკურ დოკუმენტაციაში ასახულ პირობებს, შემსყიდველს უფლება აქვს მოსთხოვოს დამატებითი შესრულება, ან უარი თქვას ხელშეკრულებაზე, ან შეუმციროს საზღაური მიმწოდებელს იმ თანხით, რა თანხითაც ნაკლი ამცირებს გაწეული მომსახურების ღირებულებას.

7.5. შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას გაწეული მომსახურების ღირებულება.

7.6. „მიმწოდებელი“ ვალდებულია განახორციელოს ბროშურების (კატალოგების) და ბლანკების მიწოდება „შემსყიდველის“ ოფისში.

7.7. „შემსყიდველი“ ვალდებულია გამარჯვებულ პრეტენდენტს გადასცეს მთლიანი ბროშურების (კატალოგის) მაკეტი, ხელშეკრულების გაფორმებისთანავე.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება პირგასამტეხლოს სახით, კერძოდ: შეუსრულებელი ვალდებულების 0,01%-ის ოდენობით ყოველ გადაცილებულ დღეზე.

9. ხელშეკრულებაში ცვლილებების შეტანა და შეწყვეტა

9.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს 3 დღის ვადაში მეორე მხარეს შესაბამისი ინფორმაცია.

9.3. ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით და დაერთოს ხელშეკრულებას დანართის სახით, რომელიც ჩაითვლება ხელშეკრულების განუყოფელ ნაწილად.

9.4. წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების, ან/და მისი სხვა პუნქტების ბათილად ცნობას.

9.5. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.6. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული მოქმედების შეწყვეტის შესახებ.

9.7. ხელშეკრულების დამდები მხარე, რომელიც მიიღებს, ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ სამი დღით ადრე.

9.8. თუ, გაწეული მომსახურება ნაკლის მქონე აღმოჩნდება და შეუძლებელი იქნება ნაკლის აღმოფხვრა, მომსახურების გაწევისათვის დადგენილ ვადაში, შემსყიდველი უფლებამოსილია ცალმხრივად შეწყვიტოს ხელშეკრულების მოქმედება და მოითხოვოს ზიანის ანაზღაურება ხელშეკრულების შესაბამისად.

9.9. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. ფორს-მაჟორი

10.1. მხარეები თავისუფლდებიან პასუხისმგებლობისგან წინამდებარე ხელშეკრულებით განსაზღვრული ვალდებულებების შეუსრულებლობისას, თუ ეს გამოწვეულია გადაულახავი ძალის მოქმედებით. კერძოდ, წყალდიდობით, მიწისძვრით, ხანძრით, გაფიცვით, სამხედრო მოქმედებით, ბლოკადით, სახელმწიფო ორგანოების აქტებით ან/და ქმედებებით (ფორს-მაჟორული გარემოებები), რაც უნდა იქნას დადასტურებული უფლებამოსილი კომპეტენტური ორგანოების მიერ წერილობითი ფორმით.

10.2. ფორს-მაჟორული გარემოებების დადგომისას მხარეები ვალდებულნი არიან დაუყოვნებლივ წერილობით შეატყობინონ მეორე მხარეს ამის შესახებ.

10.3. მხარეების მიერ წინამდებარე ხელშეკრულებით განსაზღვრული ვალდებულებების შესრულება გადაიდება ფორს-მაჟორული გარემოებების ლიკვიდაციამდე.

11. დავების გადაწყვეტის წესი

11.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწებლობის შემთხვევაში, მხარეები მიმართავენ საქართველოს სასამართლოს, საქართველოს კანონმდებლობის შესაბამისად.

12. ხელშეკრულებაზე შესრულების კონტროლი

12.1. შემსყიდველი უფლებემოსილია „მომსახურების“ პარალელურად, მოახდინოს „მომსახურების“ შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

12.2. შემოწმების შედეგად გამოვლენილი ნებისმიერი ნაკლის, ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული მომსახურების ნაწილის და წუნდების მიზეზის მითითებით.

12.3. „შემსყიდველის“ მხრიდან კონტროლი ხელშეკრულების შესრულებაზე დაეკისროს სსიპ საქართველოს კინემატოგრაფიის ეროვნული ცენტრის -----.

13. სხვა პირობები

13.1. არცერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

13.3. წინამდებარე ხელშეკრულება რეგულირდება საქართველოს მოქმედი კანონმდებლობით.

14. მხარეთა რეკვიზიტები და ხელმოწერები

შემსყიდველი

მიმწოდებელი

საქართველოს კინემატოგრაფიის

ეროვნული ცენტრი

ქ. თბილისი 0105

სანაპიროს ქ. # 4

საიდენ. კოდი 204425121

საბანკო რეკვიზიტები:

სახელმწიფო ხაზინა

ბანკის კოდი: TRESGE22

მიმღების ანგარიში № 708067519

დირექტორი
